

سنة : ۲

ربيع الاول ۱۳۴۳

ابول ۱۳۴۰

صالي : ۱۶

دار الفنون

حقوق فائز و مستحق

حقوق اقتصاديات

ايکي آيه بر نشر اولور

منه رجات

قسم مفوقی :

- قضا صلاحيتك شخص وموقع اعتباريله تحديدي [جميل]
مديونلره عائد حقوقك دايملر طرفندن ادعاي [رشيد]
مسئوليت عقديه ومسئوليت جرميه [صديق سامي]
فردی حقوق اجتماعي حقوق واستحالة دولت [ادیب]

قسم اقتصادي :

- اجتماعي مسئله نك فرائض جبهه سندن كورونوشي [فاضل]
اقتصاد ملي [منير]

استانبول — مطبعة طامره

۱۳۴۱ — ۱۳۴۳

ملي اقتصاد نظريه

نظرياتي

برقاج زماندنبري مملكتتمزده اقتصاده علاوه ايديلن (ملي) كلهسي علم ايله مليت آراسنده برمناسبت كوره مين ذهنلري تشويش ايتكمده بولنديغندن اقتصادي تعقيب ايدن ملي كلهسنگ افاده ايتديكي علمي معنايه دائر دوشوندكلريمزي يازمغي فائده لي عد ايتدك . مقاله مزه اقتصادك بويكي طرز تلفيسي مدافعه ايدنلرك نقطه نظرلريني ايضاح ايله باشلاياجقز . بالاخره معارضلرك سردايتدكلري مطالعات ودلائلي كوزدن كچيردكن صوكره بوايكي متباين زمره افكارايجنده الكزياده مقارن حقيقت ظن ايتدكلريمزي اجمال و تصريح ايده جكنز .

مدافعلر ديوركه :

ملي قتصاد ناميله معروف يكي علم اقتصاد اون طقوزنجي عصرك ابدالرندن اعتبارآ انگليز قلاسيك اقتصادينه قارشى آلماناياده حاصل اولان عكس العمل نتيجهسي تأسس ايتشدز .

بناء عليه ، اقتصادي بويله ملي برطرزده تلقينك روحنه نفوذ ايده بيلمه مز ايجون اولامد كورتلقيه مخالف اولان قلاسيك اقتصادك پرنسيپلريني خلاصه كوزدن كچيرمكلكمز لازم كير . فقط هر دورك اقتصادي سيستمى ، او دوره حاكم اولان فلسفه و فنون ايله يقيندن علاقه دار اولمقاه قالمايوب بعض قيود تحتنده بوفلسفه و فنلرك برمحصول ضروري سي عد ايديله بيله جكندن فيزيوقراطيزم و قلاسيك اقتصادك تأسس ايتديكي عصره حاكم بولنان فنون و فلسفه يه دائر بوراده برقاج سوزسويله مك مجبوريتنده يز .

اولا او دورده فنك وضعيتندن بحث ايدهم ؛ تن (حال حاضر فرانسنگ منشألى) نام اثرنده ديركه « ايلك دفعه اولارق اون سكزننجي عصرده مثبت فلر باشلى باشنه برعالم سيستمى وجوده كتيره بيله جك درجه ده وسعت و قطييت اكتساب ايتمشلر و عصرك همان

بالجمله کشفیات فنیه‌سی نوبوتنک ریاضی سیستمی اطرافنده طوپلاندرق اونی توسیع و اکالدن باشقه برشی یا پامشاردر [۱].

او عصرک تاریخی پک ایی تدقیق ایتش اولان بو فیلسوفک مذکور عصرک مثبت فنلری حقنده کی، سالف‌الیمان مطالعاتی تفسیراً دیه بیلیر که: فیزیوقراط سیستمک و بعض قیود داخلنده «بوسیستمک بر شکل متکاملندن عبارت اولان فلاسیک اقتصادک» [۲] تأسس ایتدکری دورده، علوم مثبتیه ایچنده اک زیاده مترقی بولنان ریاضی - فیزیک زمره‌سی ایدی و بو زمره‌یه داخل اولان مثبت فنلردن ده‌آز مجرد، دهاچوق تجربه‌وی فیزیولوژی، حیاتیات الخ کی علملر ایسه هنوز کافی درجه‌ده انکشاف ایتمه‌مشاردی. مدافعه ایتمکده اولدیغمز نقطه نظری تأیید ایتمه‌سی اعتباریه حائز اهمیت دیگر بر خصوصیت‌ده بو تاریخلرده یاشایان همان بالجمله متفکرلرک ریاضی - فیزیک علملرینه واقف اولملری و بو علملرله پک جدی اولارق مشغول بولملریدر [۳].

علمای زمانک [۴] اثرلرنده، تجریده فرط تمایل، تعمیده استعجال، اصول استقرائی بی ترجیح کی ریاضی - فیزیک فنلرینه مخصوص اولان اوصاف میزه‌یه کثرتله تصادف ایدلمسی بو مشغولیتک ضروری بر نتیجه‌سی عد ایدیله بیلیر.

افکاره حاکم اولان فلسفه ایسه، عصر سابقک قارتیه‌یانیزمندن عبارت ایدی. شو فرقه‌که، راسیونالیزم نامنی آلان اونسکزنجی عصر قارتیه‌یانیزمنده، انکلترده تأسس ایدن سانسو آلیم فلسفه‌سیله (حسیه) ریاضی - فیزیک فنلرنده یاپیلان یکی کشفیاتک تأثیراتی صراحة مشاهده ایدیوردی. اساساً اونسکزنجی عصرک تمامیه عقلی (Rationaliste)

[۱] صحیفه ۴۶۷ جلد ۱. H. Taine. Les Origines de la France contemporaine.

[۲] Systeme National d'Economie Politique. Frederic List.

[۳] « وواتر، نوبوتونک هیئت و مبحث رؤیتیه اشتغال ایتشد. فونته‌ئل، مکمل ریاضیدر. مونسکیو، سیاره‌لره دائر تدقیقات نشر ایتشد. دیدورو، ریاضی معاملکنده بولنشدر. بوفون، نوبوتونک فولکسیون نظریاتی ترجمه ایتشد. قوندیلیاق، اشاراتک صورت استعمالیه فکرلر آراسنده کی ارتباطی ایضاح ایچون ریاضیه‌یه دائر اثرلر یازمشدر. قوندورسه، لالاند، شهور ریاضیوندن ایدیلر » O. F. H. T. جلد ۱.

[۴] عالم تبیری، زمانلرینک اک بونوک متفکرلردن اولان مقتصدلریده احتوا ایتدیکی وارسته ایضادر. اساساً بو تاریخلرده اقتصاد بر علم مخصوص حالنده تأسس ایتدیکندن مقتصد نامنی مستقلاً قوللانق بالطبع دوغرو اولماز. بناء علیه ایلریده دائماً عالم، متفکر، مقتصد کله‌لری عینی مضاده استعمال ایدمکجز.

فلسفهسى بو خصوصده زمینی احضار ایتش بولندیغندن اون سکزنجی عصرده ریاضی-فیزیک فزیکلرینک ترقیسی، افکارک سیر تکاملنى عینی استقامتده دوام ایتدیریوردی. « اودر جهده که، سانسوألیزم فلسفهسک مؤسس و مروجلرندن اولملری اعتباریله همزاد (inné) فکرلرک وجودینی رد ایدن قوندیللاق، هملو همتوس، ده ستوراسی کیبی متفکرلر بیله تدقیقاتلرند قارتیه زینلردن بشقه بر نقطه حرکت انتخاب ایتمکه برابر نتیجهیه واصل اولمق ایچون عینی یولی تعقیب ایله تجربهیه لازم کلدیکی قدر اهمیت ویرمیورلردی. اون یدنجی عصرک راسیونالیستلری قبل (apriori) سیستملرینی منحصرأ عقل محض « Raison pure » استعمال ایدرک همزاد فکرلر ایله تأسیس ایتدکاری حالده سانسوألیزم ایله قاریشیق اولان بو عصرک راسیونالیزمی، احتساستی اساس اولارق قبول ایتمکه برابر، حادثاتی طرز تدقیقنده ریاضی اصولدن آیریلامیوردی [۱].

اون سکزنجی عصر عاملرینک طرز تفکرلری اوزرینه اجرای تأثیر ایدن، ذهنیتلرینک تشککله مهم بر تأثیری کوریلن اوچنجی عاملده قلاسیسیزمدر. قلاسیسیزمک تأثیراتی، هر ملتدن زیاده وضوح و قطعیه تمایل بولان فرانسلرده بوتون قوتیه تجلی ایدر. یونان ولاتین روحنک بر محصول طبیعی عد ایدیلن و تناسب، انتظام، اعتدالک عمومی برافاده سندن عبارت اولان قلاسیک ذهنیتی راسیونالیزم پرنسیپلرله هم آهنگ اولدینی کیبی ریاضی اصولده توافقی ایدر.

ایشته، فیزیوقراطیزم و قلاسیک اقتصادک دوغدینی محیط فنی و فلسفینک خطوط اولیه و اوصاف ممیزهسی بولردر.

مطالعات سالفهیه، اون سکزنجی عصرک ابتدالرنده، فرانسه و انکلترده ترقیات جدیدیه اقتصادیهنک بالضروره تولید ایتدیکی یکی مسائل و یکی وضعیتلرک موجب اولدینی اولدینی مشوشیت؛ سیاسی و اجتماعی مؤسسسلرده مشاهده ایدیان عدم انتظام، داها دوغریسی، بو مؤسسسلرک، مثبت فنلردن ملهم اولمایه باشلایان اجتماعی علملرک میدان قویقلری یکی نظریلر ایله قابل تألیف بولناملری علاوه ایدیلرسه، فیزیوقراطیزم و عینی زمانده قلاسیک اقتصادک اخذ قوت ایله دیکی منابع أساسیه تثبیت ایدلش اولور.

یالکز شوراسنی سولهیهلم که، انکلترده داها حاکم بر موقعده بولان سانسوألیزم

و ریاضیه جیالکک بعضی ضروری نتایجی تعدیل ایتشدر و سمیتک آثارنده مساوی درجه‌ده اصول استقرائی و اصول استدلالیه دوغرو ایکی مخالف تمایله تصادف ایدلسی بوسیله مبنی در [۱] .

فلاسیک اقتصاد عمومیتله تدقیق ایدیلیرسه احتموالتیدیکی جالب دقت خطالرك یکدیگرینه مجاور ایکی منبعدن تولد ایتدکلری کورولور . بو منابعک بری ، اوصاف مخصوصه‌سنی بالاده توصیف ایتدیکمز محیط معنوینک مقتصدلرده خلق ایلهدیکی مجرد ذهنیت ، دیکری ایسه ، مقتصدلرده داخل اولدینی حالده بالعموم اون سکیزنجی عصر متفکرلرینک ، وقایع اجتماعیه ایله ریاضی فیزیق فنلرینک موضوعنی تشکیل ایدن حادثات طبیعیه‌نی یکدیگرینه قاریشدرملری و بو ایکی غروپ آراسنده هیچ بر فرق کورمه‌ملریدر .

فلاسیک اقتصادک روحنی تشکیل ایدن پرنسپلر آیری آیری کوزدن کچیرلیدیکی تقدیرده وادعاملرک دوغریلنی ثابت اولور .

۱ — فلاسیک اقتصادده وهله نظر دقتی جلب ایدن نقطه شبهه‌سزکه ، مفرط بر درجه‌یه واران تجرید (Abstraction) در . فی الحقیقه او عصرک مقتصدلری‌ده ، زمانلرینک سائر متفکرلری کبی ، پک بسیط و عمومی بعض معلومات اساسیه‌نی تثبیت و تجرید ایتدکدن سوکره تجربه‌دن استفاده لزومنی حس ایتهدن بومعلوماتی یکدیگریله مقایسه و مزج ایدرک الده ایتدکلری خلاصه‌ صنعه‌دن منحصرأ منطق قونیه آرزو ایتدکلری نتایجی استخراجده باس کورمه‌بورلردی . افاده دیکرله ، وقایع اجتماعیه ایله حادثات طبیعیه آراسنده بر فرق تصور ایتهدکلری ایچون ، منشأ و ماهیتلری اعتباریه بربرلرینه مابین بو ایکی نوع حادثیه عینی اصول تدقیق تطبیق ایدیورلردی .

مثلاً ، ریاضیه‌ده کی مفروض معطی لر کبی زمان و مکان ایله مقید اولیان ولایتغیر اوصافه مالک فرضی برانسان تصور ایدیورلر و نظرلرنده برر حقیقت مطلقه ماهیتنده اولان بو انسان مفروض اوزرینه بنای مطالعات ایچون ، محاکمه ماکنه‌سنی تحریک ایتک کافی کلیورلدی .

بناء علیه شرائط سالفه داخلنده موجودیتی تصور ایدیلن بویه برانسانک ، بالجمله اوصافیه

[۱] « سیعته ده » بری نویوتونک ریاضی سیستمندن منبعث دیکری هوموک فلسفه‌سیله علاقه‌دار (ریی Sceptique) داما طوغریسی طبیعی (Naturaliste) برماهیتی حائز ایکی جریانک تعارضی مشاهده ایدیلیر » جلد ۱ صفیحه ۱۹۲ ، Halévy ، Radicalisme philosophique ;

بر انمودج لایتغیر بشر اولارق قبول ایدلسی پک طبیعی و منطقی در . چونکه تکرار ایدلم ، مقتصدلر انسانی تاریخک معین بر صفحه سینه و معین بر مملکت باغلایان رابطه لری داما بدایتده قطع ایتمش بولندقلرندن نظرلرنده بر انکلیز ایله بر هندلی ، اون سکزنجی عصرده یاشایان برانکلیز ایله ، برنجی ادوارک زمانه منسوب دیگر برانکلیز آراسنده قطعاً فرق کورمه یورلردی . خلاصه ، معین بر کمیت و کیفیتی تمثیل ایدن انسان مجرد اوزرینه محیط مادی و معنویک بر تأثیری اولاییله جکینی قطعاً خاطره کتیرمه یورلردی .

۲ — عینی تایلک تأثیرانی حادثات اقتصادییی اداره ایدن قانونلر حقنده کی فکرلرنده دخی مشاهده ایتمک ممکندر . بو قانونلرده دائماً ، ریاضیه قانونلری کبی لایتغیر و عمومیدرلر . قوانینده Contingence احتمالی بو متفکرلرک خاطرندن بیله کچمهدیکی اثرلرینک هر صحیفه سنده تجلی ایدر .

۳ — فقط بالاده اشارت ایتدیکمز اسباب عمومیه دن متولد اولوب قلاسیک اقتصادیات و نظریاتی قیمتدن دوشورن بزجه اک مهم سبب ، عینی مکتبه منسوب مقتصدلرده حسی تاریخنیک (Sens historique) کلیاً مفقودتی در .

بو دورک دماغلری قارتزبانیمز فلسفه سیله مشبوع و حادثات اجتماعییه یی تدقیق ایدرکن عمومی و لایتغیر قانونلر آرایان بر فنی ، یعنی ریاضیه یی کندیلرینه نمونه اتخاذا ایدن متفکرلری ، بالطبع عینی زمانده تاریخنیکلک روحی اولان فکر تحول و صیرورتی (devenir) احاطه ایده مزلردی .

ماضیه عائد مؤسساته عدم اهمیت ، عنعنه جیلکک مخالفت ، مفرط فردچیلک و قوزموبولیتک کبی عقیده لرک قلاسیک اقتصادده تجلیسنی بو مسلکه منسوب مقتصدلرده حس تاریخنیک نقصانیله ایضاح ایده بیلیرز .

ماضیی آکلامیان بو آداملر حالی آنجق پک سطحی کوره بیلورلردی .

۴ — بالاده تصریح ایتدیکمز اسباب معلومه بناء ، قلاسیک مقتصدلر ماتلری ، بر عضو مستقل اولارق قبول ایدن فوق العاده مهم و متمر نظریه یه (Théorie organique des nations) ده نفوذ قابلیتدن مخروم ایدیلر . اونلرک نظرلرنده ملتلر ، منفعتلرینی مدرک بر جوق فردلرک بر آرایه کلسندن متولد برر انسان کومه سندن ، و آرالرنده عقدایتدکاری بر مقاوله اختیاریه یه تبعاً بو کومه ده یاشامنی قبول ایدن کیمسه لر دن مرکب ایدی . عینی اداجزن متشکل جسملر آراسنده بر فرق اولامیه جفی کبی مقتصدلرده ، ملت تسمیه

ایدیلان و انسان دیدیکمز جنسه منسوب، عینی اوصافی حاوی عضولرک یان یانه کلرلی ایله وجود بولان بشری جمعیتلر آراسنده بر فرق تصور ایدمه‌مه‌بورلردی.

۵ — تحلیل ایتدکلری (انسان اقتصادی بی) ی اداره ایدن روحی عامللری منافع شخصی، خودبنلک، منفعت پرستی تعبیرلریله اجمال ایدمه‌بیلیرز. مقتصدلره کوره عالم اخلاقیانک یکانه محرکی خودبنلکدر. وجداً مفید بر اخلاق سیستمی آنجق بو اساس اوزرینه قوریله‌بیلیر. بناءً علیه قلاسیک اقتصادک مؤسسسی آدام ستمیک سیستمی، منافع عمومی بی اشخاصک مساویسنده آرایان مشهور برنار دومانده ویلک «آریلرک حکایه‌سی» اسمنده کی اثرک داها علمی برشکله افرای صورتنده تلقی ایدرایسه‌ک مبالغه ایتش اولمایز [۱].

خلاصه: «قلاسیک اقتصاد قلاسیک هیکلتراشی کی مسلکک، صنعتک، ملیتک و سویه تمدنک تأثیراتندن معری بر انسان مفروض خلق ایتشدر. او، نه عرق، نه دین و نه ده عصر فرقی طانیر. مع مافیه هر شیئی بسیط و محدود کورن بر ذهنیت مخصوصه سایه‌سندله اعلی‌التعین بر مسئله‌نک هیئت عمومی سنی قاورامق، سیسته‌ماتیک ایضاحاتده بولنه‌بیلیمک احتیاجلرینه تقابل ایدر و اونلری تطمین قوتی مع زباده حائرر. قلاسیک مقتصدلر بر قاج عمومی پرنسیپلردن استفاده صورتیه، حادثات عالمی ایضاحه مقتدر اولدقلرخی ظن ایدرلردی. اثرلرینه باقیلیرسه بر مسئله حقنده حکم ویره‌بیلیمک ایچون زحمتی مساعی مقابلی معلومات ایدیمکه احتیاج کورمه‌دکلری آ کلاسیلیر.

هر حادثه‌بی معلوم و معین بعض اساسات ایله حله قادر اولان بو دو قترین سالکلری مساعی علمیه‌لرنده بیله حیاتک تظاهرات مختلفه اقتصادی-نی مثبت و مشخص بر طرده تدقیق لزومی حس ایتمه‌مکده درلر.

وقتیه انکلیر مقتصدلرندن برینک چالیشابیلیمک ایچون لابوراتواره محتاج اولدیغندن طولانی بر کیمیا کری شایان مرحمت بولدیغی، حالبوکه کندیسنک هیچ برواسطه‌یه لزوم

[۱] «انکلترده Utilitarisme ک مؤسسسی اولان زهره‌بی بانظامک بر دوستی سمیتک کندی فلسفه‌لرینه متمایل اولدیغی بانظاما شو بولده یازیور: بک خصوصی مناسباتده بولندیم دو قتور سمیت بزم فلسفه‌مزه طرفدار بولونویور.» جلد ۱ صحیفه (۹۵) Radealisme philosaphique Helevy

— عینی بانظامک، خط والم حسلری اوزرینه مؤسس حساب اخلاقی (Arithmetique morale) موضوع بحث مسائل دولایسیله بالخاصه شایان دقدر.

کورمه دن عمومی پرتسپلردن طبیعی قانونار استدلال ایده بیه جکنی کمال تفاخر ایله سویله دیکی معلومدر . [۱]

فلاسیك اقتصادك روحنی تشكیل ایدن باشلیجه پرنسیپلر بونلردن عبارتدر . ایشته آلمان مقتصدلری بو یاكلش ومضر تلقی اقتصادی به نهایت ویرمك ایچون « اقتصاد ملی » نامیه یکی بر علم اقتصاد تأسیسنه لزوم کورمشلردر .

اقتصاد ملی طرفدارلری نه کی منابعدن اخذ قوت ایدرك فلاسیك سیستمك اچوروک قسملرنی بولدیله؟ سیمتیایزم ایله مجادله ده قولاندقلری منع دلائلی نه صورتله ایتدیله؟ اقتصاد ملی بی تأسیس ایدن مقتصدلر فلاسیكلره قارشى استعمال ایتدكلری نظریه و دلائلی اونسكزنجی عصرده یاشایان مسلكداشلری کی عینی ایکی منبعدن استفاده صورتیه وجوده كتیرمشلردر . بوايكي منبعك بری فنون مثبته ، دیگرى زمانلرینه حاكم اولان فلسفه در . یالكز نه بو فن و نه ده بو فلسفه ، فلاسیق مقتصدلرك فن و فلسفه سی دكل ایدی .

معلوم اولدینی اوزره ، اون سكزنجی عصرده ، علوم مثبته میاننده برنجی درجه بی اشغال ایدن ریاضی - فیزیق فکلری و متفكرلری تحت تأثیرنده طوتان عقیده فلسفیه ایسه بو فنون ایله یقیندن علاقه دار اولان « راسیونالیزم » ایدی .

حال بوکه ، اون طقوزنجی عصر افکارینی اداره ایدن فنلر ، طبیعی و حیاتی فنلر زمره سنه داخل اولدقلری کی معتبر اولان مسلك فلسفی ده فلسفه تكامل ومثبته ایدی . ایکی مختلف عصرك (۱۸ و ۱۹ نجی عصرلر) متفكرلرینه رهبرك ایدن بو ایکی سلسله عواماك آرالرنده کی فرق پك مهمدر . هر نه قدر ، فنون طبیعی و فلسفه تكامل ، فنون ریاضیه و فلسفه عقلیه نك برنوع نمادیسى عدایدیه بیلیر ایسه ده ریاضیه و ناسیونالیزم ، فن و فلسفه نك (Statique) صفحه سنی ، طبیعیات و تكامل فلسفه سی ایسه dynamique صفحه سنی تشكیل ایدرلر .

معلومی اعلام ایتش اولماق ایچون اون طقوزنجی عصر ظرفنده فنون طبیعی نك کوستردیکی ترقیدن بحث ایده جك دكلز . یالكز بزى صورت مخصوصه ده علاقه دار ایدن مهم بر كشی مسكوت كچمه مز قابل اولمایاق . بو كشف مهم ایسه تكامل نظریه سیدر . فی الواقع ، بعض متفكرلرك پك اسكى زماندنبری تكامل نظریه سنندن بحث ایتش اولدقلری محقق ایسه ده بو قانونك بالمله موجوداته شامل بولندیغنی

و مکوناتک، ماده‌نک ازلی تکاملندن بشقه برشی اولمدینی فکرنی علمی برطرزده میدانه قویان اون طقوزنجی عصردر. اولا طبیعیات ساحه‌سنده کشف ایدیلان بونظریه‌معلومات بشرک‌جمله‌سی اوزرنده‌علی‌الخصوص علوم اجتماعیه‌ده پک درین واساسلی تأثیرلر براقشدر. وزمان کشفندن جزئی برمدت صوکره، ساحه تطبیقی توسع ایدرک نهایت اجتماعی حیاتک تظاهرات مختلفه‌سنی موضوع اتخاذ ایدن اجتماعی علملره قدر نفوذ ایشدر. شوراسی شایان دقتدرکه، تکامل نظریه‌سنک تطبیق ایدلدیکی علملرک، اوزمانه قدر محافظه‌ایتدکری لایتغیر بنلک‌لرینی، صفت مطلقیتلرینی، تحول و نسبیتک استخلاف ایتدی. خلاصه، بو یکی نظریه زریه کیردی وهانکی زمینده تطبیق ایدلدی ایسه اورایه فکرتحول ونسبیتیه کوتوردی. تکامل نظریه‌سنک اساسنی تشکیل ایدن بسیطدن مرکبه، متجانسندن غیر متجانسه دوغرو تحول پرنسبی لایتغیریت فکرنه مخالف اولغله برابر موجوداتک متحول بولنسی‌ده فکر نسبیتی استازام ایدسودی.

نتیجه‌ده، تمثیل ایتدکری تناسب وآهنک سایه‌سنده کوزه‌خوش کورونن‌عصرسابقک قورو و تحجر ایتش پره‌نسبیلری بو یکی جریانه مقاومت ایده‌میه‌رک نهایت دوریلدیلر. تکامل نظریه‌سنک اهمیتنی، هر ملتک مقتصدلرندن اول تقدیر ایدن آلمان مقتصدلری، بعیر معذور کورولورسه، قوتلی بر حامضه تشبیه ایده‌بیله‌جکمز بو یکی نظریه ایله راسیونالیست ذهنیتک، ریاضی بر اصولک خلق ایتدیکی بر اثری، یعنی قلاسیق اقتصادی، بر داها اعاده حیات ایتمه‌مک شرطیله تخریبه موفق اولدیلر.

فقط تکامل نظریه‌سی نیچون سائر ملتک مقتصدلرندن اول آلمان مقتصدلرینه درین بر طرزده اجرای تأثیر ایتدی؟ بو سؤاله ویریه‌جک جواب عینی زمانده، اقتصاد ملی منشأک نیدن آلمانیا اولدیفنی و هر یردن زیاده نیچون بو مملکتده رواج بولدیفنی بزه آکلاته‌جقدر. بونک ایچون ایکی باشلیجه سبب کوستره‌بیلیر:

اولا آلمانلر، قابلیت معنویه‌لری اقتضاسی، فکر تکاملی احاطه‌یه هر ملتدن زیاده مستعددرلر. فی‌الحقیقه نیجه، عرقنه مختصرص بو قابلیت شویله ایضاح ایدیور:

«بز آلمانلر (لاتینلرک ضدینه اولارق) صیوروت و تکامله هر کسندن داها درین بر

معنی، داها زنکین بر قیمت عطف‌ایدرز.» [۱]

اساساً تکامل نظریہ سی، فنون طبیعیہ کشف ایدئزدن چوق اول، ہر در، کوتہ،
 علی الخصوص ہر کل و رومانیتسکر بونظریہ دن انسان و جمعیت بشریہ دہ کی تجلیاتی دولایسیلہ
 بحث ایتشلردز . [۱]

« Spécifique » فکر لک یکدیگریک تکاملنی تولید و تأمین ایتدکاری مطالعہ سنی
 ایلری سوزہ رک آور و پادہ ذہنری صوک بویوک حرکت فلسفی بہ یعنی دارونیزمہ حاضر لایان
 ہر گلدز . ہر گلدز دارونی تصور ایتک محالدر . فہ ، فکر تکاملی ایلک دفعہ ادخال ایدن
 اودر . [۲]

اقتصاد ملی تلقیاتک، آلمانیاہ فوق العادہ انکشافی اسبابی ایضاح ایدن ایکنجی
 عامل، اون طقوزنجی عصر بدایتندہ آلمانیاہ تاریخ تدقیقاتک توسع ایتسی، تاریخجیلک
 نامیلہ معروف و حقیقتدہ تکامل نظریہ سنک داہا غیر معین، داہا حدسی (intuitif)
 بر طرزہ انسان جمعیتلربنہ تطبیقندن عبارت اولان بر جریان مخصوصدر . فی الحقیقہ
 تاریخجیلک و اونی تعقیب ایدن تکامل فلسفہ سنک اساس نظریہ لری یکدیگریہ مقایسہ
 ایدیلرسہ بو ایکی نقطہ نظرک آرا لرنده کی فرقک تمامیلہ شکلہ عائد اولدینی تین ایدر
 و تکامل نظریہ سنک صفحہ اولی نک آلمانیاہ تاریخجیلک شکندہ تجلی ایتدیکی کورولور .
 علم حقوقدہ مکتب تاریخی مؤسس لرندن ساوینی نک موضوع مزلہ علاقہ دار بعض
 فکر لری بو مشابہتی بزہ صراحتہ کوسترمکہ کافیدر .

ساوینی بی، حقوقک منشائی عرف و عاداتہ دکل، بر آرادہ یاشایان انسانلرک مشترک
 روحلربنہ ارجاع ایتدکدن صوکرہ دیرکہ « روح خلقدن نبعان ایدن حقوق الابد ثابت
 دکلدر . ہر فکر بر حیاتدر . یعنی مستعد تحولدر . عنعنہ دیمک قطعاً سکون دکل بالعکس
 حرکت دیمکدر . حقوق خلقک بالجلہ تظاهرات حیاتہ سنی یاشار » [۳]

بو برقاج سطر بزہ مکتب تاریخک ، راسیونالیزم فلسفہ سنک محصولی اولان قلاسیق

[۱] آلمانلرک تکامل نظریہ سنہ اولان خدمت لری صراحتہ کوسترمسی اعتباریلہ ہر بر سپشہرک
 شوق لری نقلی فائزہ لی عدایتک : « سیر تکاملری انسانندہ عضویت ابتدائیدہ مشاہدہ ایدیان ترقی
 موضوع بحث ایسہ ، آلمانلر مثلیہی حل ایتش بولٹیورلر . وولف ، کوتہ و فون بویوک تدقیقاتی
 بونی اثبات ایتشدز . »

صفحہ ۶ Essai sur le progrès. Herbert Spencer.

[۲] صفحہ ۳۳۴ La geai savoir. Nichtze.

[۳] صفحہ ۴۳ Origine du socialisme d'Etat en Allemagne-Adler

اقتصادك قبول ايتديكى لاتيفريت ومطلقيت ايله قطعياً مناسبتى اولمديغنى ، بالعكس تكامل نظريه‌سنده اولدينى كې تاريخچيلكده دى ، حقوق ، لسان ، و عاداتك برر اشكال موقتە تاريخيه‌دن عبارت بولمهلرينه بناءً زمان ومكانه كوره تبدل ايتكده اولدقارنى واصحاً كوسترمكده در .

ايضاحات عموميه سالفه‌دن سوكره ، طبيعى وحياتى فنلر ايله تكامل فلسفيه‌سنگ منحصرأ ساحه اقتصادياتده حصوله كتيديكى تحولاتى ، يالكيز آلمانپاده دكل ، اقتصاد ملي مدافعه ايدن ومختلف مملكتلره منسوب بالجمه مقتصدلرده تدقيق ايديه بيليرز .

اقتصاد ملي طرفدارلرى تكامل نظريه‌سنگ استناد ايدرك ملتلى مستقل بر حياته مالك برر موجود حقيقى اولارق قبول ايدرلر . بناءً عليه اقتصاد ملينك موضوعى ، قلاسيك اقتصادده اولدينى كې فردلرك حيات اقتصاديه‌لى دكل « استر متفرق ، استر متسلسل اولسون ، بر دولت داخلنده بولان زمره‌وى اقتصادلرك هيئت مجموعه‌سى تشكيل ايدر و اقتصاد ملي ، بوهيئت مجموعه‌نى بر عضو واحد ، بر كل حقيقى اولارق تصوير ايدر . اقتصاد ملي ده مشاهده ايديلن مختلف تحولات عيى موجودك كچييديكى مختلف صفحاتدن عبارتدر » [۱]

« علاوه ايدم كه اقتصاد ملينك اسنى تشكيل ايدن ملتلك عضو مستقل كې بلقى ايدمللرى نظريه‌سى ، نه قرون عتيقه‌ده ونده قرون وسطى ده موجود ايدى . موجود اولسى احتمالى ده يوق ايدى . چونكه كلهك علمى معناسيله ملتار ، تاريخ بشرك بو عصرلرنده هنوز تشكلى ايتمه مشلردى . ادوار قديمه‌ده كى بويوك ايمپراطورلقلر ، حتى روما ايمپراطورلغى بيله متعدد شهرلرك بر آرايه كله‌سندن حاصل اولمش واسع جمعيتلر وياخود برچوق شهرلى بر اداره آلتنه طوپلايان ديكتاتورلقلردن عبارت ايدلر . قرون وسطى ده دى همان حال عيى ايدى . قرون وسطى نك نهايتلرنده تأسس ايتكه باشلايان ملي دولتلرك ظهورى ايله برابر اقتصاد ملي ده دوغمغه باشلامشدر . اقتصاد ملي دنيلديكى زمان ايسته بو معظم عضولرك اقتصادى اكلاشيلمليدر . »

اقتصاد ملي مفهومى حقيقه تقدبر ايتمش اولمق ايجون ملي اقتصاد ايله اقتصاد عمومى ي (économie publique) يكدىكردن تفريق ايتك ايجاب ايدر . عمومى اقتصادك موضوعى ،

La Revue économique, Schumuler.

La Revue d'économie politique, Schumuler.

[۱] صفحه ۴۱۱

[۳] صفحه ۱۰۷

کرك نفوس كرك آراضی اعتباریله اقسام سائر ملی نه سیاست و نه ده سائر رابطه لرله حقیقی برطرزده مربوط بولمیان و بوقسم لرله تام بروحدت حصوله کتیره مین ناقص دولترك اقتصادیاتو تشکیل ایتدیکی حالده اقتصاد ملی ، تام برملتك ، یعنی نفوس و وسعت آراضی ، مؤسسات سیاسی سی مدنیت و ثروتیله حائر استقلال بر دولتك اقتصادیاتنی تدقیق ایدر . تعیر آخرله ، ملی اقتصاد آنجق برعضو مکمل ماهیتنی اکتسایده بیلمش اولان ملترك حیاتیله علاه دارد . ملتلی برعضو مستقل اولارق قبول ایدن نظریه اوزرنده بودرجه اصرار ایتمه مزه سبب قلاسیق اقتصادك خارجنده قالان سائر اقتصادی سیستمك استناد ایتدیکی الك مهم اساسی بونظریه تشکیل ایتسنه بناء در . قلاسیق اقتصادك روحنی تشکیل ایدن فردجیلک ، قوزموپولیتك و مطلقیتی تخریب ایدن ، بوفکرلرك دوعری اولمدق لرینی میدان قویان ده ینه بونظریه در . اولا فردجیلکی نظر اعتباره آلام :

عضوی دولترده فرد علی العاده برحییه دن عبارتدر . بر دولتك اجزاسنی تشکیل ایدن فردلر آراسنده ، زمان و سیر تکاملک غیر شعوری برطرزده وجوده کتیردیکی میخانیکی و عضوی بر تساند موجود بولدیغندن فردك اقتصادی حیاتی منسوب اولدینی جسم اجتماعی نك عمومی حیاته تابعدر . بر جمعیتده دولتك موقعی ، دماغك وجوده نسبتله حائر اولدینی موقعه مشابه اولیشنه نظراً دولت ، ملتك مؤسس منافعی بالکمز حمایه ایتمکه قالیوب بومنافعی خلق و مطلوب بر سیاست اجتماعییه کوره اداره وظیفه سیله ده مکلف بولنمی عینی نظریه تك ضروری بر نتیجه سیدر . بناء علیه ، اقتصادی ساحده دولتك واصل اولوق ایستدیکی غایه بی تأمینه خادم هر نوع فعالیت ، وظائف اصلیه دولتن معدوددر . مثلاً کمرک رسومی وضع ایتك ، عمله قانونلری یایمق ، مستحصللردن برقسمی نقدی معاونت لرله حمایه ایتك ، انقسام ثروته اجرای تاثیر مقصدیله مترقی ویرکولر تأسیس ایتك ، اجتماعی الجاآتک سوقیه بوتکالیفدن برقسم خلقی معاف طوتمق و حتی استهلاکات ملیه بی اداره و تنظیم ایتك الخ کبی حرکات قلاسیق اقتصادك و فردجیلرك خلافنه اولارق دولتك الك مشروع وظائفی میاننه ادخال ایدلشدر .

کورولبورکه ، دولت مفهومنی بویله آکلایان برسیستمده فردك موقعی هیچه معادلدر . ینه بونظریه ایجاباتندن اولارق هرملت ، کرك اجزای متشکله سنك ، کرك عصرلردنبری تعقیب ایتدیکی سیر تکاملنك خصوصیتلرینه بناء سائر ملتلردن تمامیه فرقلی عدایدیایر . مابعدی وار .